

Fwen Liuxcou

□ Daenggingh cingjeix



▲ Fwenvuengz “yahvujsenh” eu fwen Liuxcou vunzlai bekwngz bobbob.

◀ Din Byayizfunghsanh eu fwen yinx haujlai vunz humxyawj.



▲ Ndw gunghyenz Dalungz-danz bi daengz byai cungj miz vunz eu fwen.

Fwen Liuxcou daj Byayizfungh ndaw Si Liuxcou mizok, ciuq cienz-gangj boux sienfwen Bouxcuengh Liuz Samcej couhwdg youq gizneix gwih duzbya hwnj mbwn bienqbaenz sien.

Fwen Liuxcou miz haujlai nanz lo, daj Ciuhdangz doxdaeuj, gvaq geijlai bi cungj mbouj dingz mbouj duenh. Daengz seizneix, baez daengz seiz gvaq cieng gvaq ciet gvaq ngoenz cuengqgyaj, laj Byayizfungh, henz Siujlungzdan, gwnz Yinzminz Gvangjangz, cungj miz canghfwen gag doxcomz guhdoi eu fwen doiq fwen, bouxyawj bouxdingq lailai bae, ciengzmienh angqvau nauhyied. Youq ndaw singz seizneix cungj miz eu fwen cungj vwnzva geq neix, neix youq ndaw singz daengx guek cungj noix raen.

Fwen Liuxcou miz lai cungj, lumj gag ciengq, lai boux ciengq, doiq ciengq daengj, ndawde doiq ciengq dwg cungj hingzik yungh cei q lai caeuq cei miz daegsaek. Doiq ciengq ndawbiengz heuhguh doiq fwen, dwg canghfwen roxnaeuz doih-fwen doxdax dungxaiz, neix youh heuhguh dax fwen, beij fwen, doxdax doxbeij haenq dangqmaz. Baez daengz hawfwen, song bai doiq fwen bai ciengq bai han, dangseiz guh fwen, dangciengz ok fwen, hai bak couh eu. Vah ndaw fwen mizyinx dangqmaz, ok fwen vaiq raixcaix,

bouxdingq gingciengz riu baenz bwtringx bae.

Fwen Liuxcou cojcienz haenx dingzlai aeu Vahcuengh caeuq Vah-Liuxcou song cungj vah neix daeuj ciengq, faen baenz “fwen” caeuq “gyah” song loih hung. “Fwen” dwg fwenbiengz cienzlah youq ranghdieng Bouxcuengh comzyouq, vunzlai gingciengz heuhguh “Fwencuengh”, aeu Vahcuengh daeuj eu. Dingzlai dwg “fwen sei coenz”, hot fwen ndeu miz sei coenz, coenz ndeu miz sei cih. Cungj wng dwg Fwen Liuxcou, dwg youq ndaw singz miz Bouxcuengh Bouxgun daengj lai aen minzcuz soqlaiz cabyouq haenx hwnghoengh, heuhguh “gyah”. Ciengq “gyah” seiz, canghfwen ciuq sibgvenq cungj aeu

Vahliuxcou ciengq dap, depgyawj vahgangj, vunzlai baez dingq couh rox, yinxvunz dangqmaz. Hot “gyah” ndeu dwg sei coenz caet cih.

Cawzliux fwen Vahcuengh, Vahgun, Liuxcou lij miz fwen Vahdungcuz, Vahmyauzcuz, Vahyauzcuz daengj lai cungj.

Fwen Liuxcou ndawde neiyungz lai dangqmaz, baugvat saedcej vunzlai caez. Faen miz fwen lizsij, fwen youx, fwen duenz, fwen fung-sug guhlaex, fwen cwngcw seizneix daengj.

Fwen Liuxcou baengh “bak gangj sim geiq” cungj fuengsik neix daeuj swncienz, youz bouxsaefouh daiq lwgsae daih cienz daih swnj roengzdaej. Daengzlaeng ndawbiengz hainduj miz sawfwen cienzlah, dingzlai dwg vunz ndawbiengz gag cau bonj sawfwngzcaw.

Bi 2007, fwen Liuxcou ginggvaq Gvangjsih Bouxcuengh Swcigh Yinzminz Cwngfuj baecin, ndaej lied haeuj daih it buek swcigh gaep feihvuzciz vwnzva yizcanj mingz-loeg.



▲ “Yahvujsenh” cingq caeuq bouxyawj doiq fwen Liuxcou.



▲ Haijlai vunz maij yawj gyaenz dingq fwen Liuxcou.



▲ Eu fwen Liuxcou sim angqvangz.



▲ Canghfwen gwnz daiz-heiq eu ndaej goksasa.



▲ Gok gunghyenz miz fwen Liuxcou.



▲ Canghfwen son hagseng eu fwen Liuxcou.